

CONSELLERÍA DE EDUCACIÓN E ORDENACIÓN UNIVERSITARIA

Orde do 13 de xaneiro de 2011 pola que se resolve a convocatoria de axudas a centros privados concertados para a contratación de auxiliares de conversación coa finalidade de mellorar a competencia lingüística do alumnado en linguas estranxeiras.

A Consellería de Educación e Ordenación Universitaria, por Orde do 28 de outubro de 2010, DOG do 4 de novembro, estableceu as bases reguladoras e convocou axudas a centros privados concertados de educación primaria e secundaria obrigatoria para a contratación de auxiliares de conversación que realicen funcións de apoio docente, non cubertas polo concerto educativo, coa finalidade de mellorar a competencia lingüística do alumnado en linguas estranxeiras, cun período de inicio e finalización do contrato comprendido entre o 1 de setembro de 2010 e o 30 de xuño de 2011.

Unha vez rematado o procedemento previo á concesión das axudas establecido na convocatoria, cómpre facer pública a relación definitiva de centros beneficiarios destas axudas e dos excluídos, de acordo co artigo 8º da devandita orde.

En consecuencia, por proposta da Dirección Xeral de Educación, Formación Profesional e Innovación Educativa,

DISPOÑO:

Primeiro.-Conceder as axudas económicas aos centros privados concertados que se relacionan no anexo desta orde.

Segundo.-Denegar as axudas aos centros que se relacionan no mesmo anexo, polas causas que se especifican.

Contra esta orde, que pon fin á vía administrativa, poderase interpoñer recurso potestativo de reposición ante esta consellería, no prazo de un mes contado a partir do día seguinte ao da publicación no *Diario Oficial de Galicia*, de acordo co disposto nos artigos 107º.1, 116º e 117º da Lei 30/1992, do 26 de novembro, de réxime xurídico das administracións públicas e do procedemento administrativo común ou, directamente, recurso contencioso-administrativo, no prazo de dous meses, ante o Tribunal Superior de Xustiza de Galicia conforme os artigos 10º, 14º e 46º.1 da Lei 29/1998, do 13 de xullo, reguladora da xurisdición contencioso-administrativa.

Santiago de Compostela, 13 de xaneiro de 2011.

Jesús Vázquez Abad
Conselleiro de Educación e Ordenación
Universitaria

ANEXO

Listaxe definitiva de centros para a adxudicación das axudas

Admitidos

Cód. centro	Centro	Puntos	Axuda
36016024	CPR Abrente	10	4.500 €
15032157	CPR Andaina	10	4.500 €
15004083	CPR Compañía de María	13	6.000 €
32008446	CPR Concepción Arenal	10	4.500 €
36010216	CPR Divino Salvador	10	4.500 €
15004770	CPR Esclavas del Sagrado Corazón de Jesús	13	6.000 €
15011002	CPR Hijas de Cristo Rey	10	4.500 €
15004198	CPR Hijas de Jesús	10	4.500 €
15004782	CPR La Grande Obra de Atocha	10	4.500 €
36004514	CPR La Inmaculada	10	4.500 €
36005427	CPR Lar	15	6.000 €
15004265	CPR Liceo La Paz	13	6.000 €
36011117	CPR Losada	12	6.000 €
36011142	CPR María Auxiliadora	8	3.000 €
36009123	CPR María Inmaculada	11	4.500 €
36011166	CPR María Inmaculada	10	4.500 €
15004101	CPR Maristas Cristo Rey	10	4.500 €
36011191	CPR Montecastelo	12	6.000 €
27011974	CPR Nuestra Señora de la Asunción	10	4.500 €
36006705	CPR Nuestra Señora de los Dolores	12	6.000 €
15015779	CPR Nuestra Señora de los Remedios	13	6.000 €
27004465	CPR Nuestra Señora del Pilar	6	3.000 €
15015241	CPR Nuestra Señora Inmaculada	8	3.000 €
15004460	CPR Peñarredonda	10	4.500 €
32003783	CPR Sagrado Corazón	10	4.500 €
15004538	CPR Salesianos San Juan Bosco	15	6.000 €
15006511	CPR Santa Juana de Lestonnac	8	3.000 €
32008604	CPR Santa María	15	6.000 €
32008513	CPR Santa Teresa de Jesús	10	4.500 €
36007515	CPR Santiago Apóstol	12	6.000 €

Excluídos

Cód. centro	Centro	Provincia	Razóns de exclusión
15024884	Rías Altas	A Coruña	Non é centro plurilingüe nin ten seccións bilingües. Artigo 5º
36011831	CPR Las Acacias	Pontevedra	Enviado fóra de prazo (7 dec.). Punto 4, artigo 2º

Orde do 13 de xaneiro de 2011, da Secretaría Xeral de Política Lingüística, pola que se anuncian, con carácter voluntario e gratuíto, cursos de lingua galega preparatorios para as probas dos niveis Celga 1, Celga 2, Celga 3 e Celga 4, para particulares (adultos) e colectivos de Galicia, no ano 2011 (ED104B).

A Lei 3/1983, do 15 de xuño, de normalización lingüística, recollendo o que dispoñen a Constitución española e o Estatuto de autonomía de Galicia, establece que o galego é lingua oficial en Galicia. En consonancia con iso, recoñécelle á cidadanía o dereito de coñecelo e de usalo. Pero non estaría garantido ese dereito se os cidadáns non tivesen a posibilidade de aumentar (ou iniciar, se é o caso) o coñecemento e o dominio da lingua propia de Galicia.

O Plan Xeral de Normalización da Lingua Galega, aprobado por unanimidade no Parlamento de Galicia

o día 22 de setembro de 2004, contén, entre outras, varias medidas, dirixidas aos adultos e á sociedade, encamiñadas a renovar a política lingüística con respecto ao uso do galego, adecuándoa aos tempos actuais, co fin de equilibrar unha situación social de desigualdade entre ambos os dous idiomas, o que exige medidas favorables ao galego para alcanzar ese equilibrio.

A estrutura e o contido destes cursos están regulados mediante a Orde do 16 de xullo de 2007 (DOG nº 146, do 30 de xullo; corrección de erros no DOG nº 178, do 13 de setembro).

Por todo iso,

DISPOÑO:

Primeiro.-*Obxecto.*

Anunciar a convocatoria pública para solicitar participar en cursos de lingua galega preparatorios para as probas dos niveis Celga 1, Celga 2, Celga 3 e Celga 4, para particulares (adultos) e colectivos, entidades e/ou organizacións, con carácter voluntario e gratuíto. Convócanse un total de 140 cursos.

Os cursos realizaranse nas localidades que se citan no anexo III e naquelas que determine a Secretaría Xeral de Política Lingüística, segundo as solicitudes presentadas e a distribución xeográfica destas, agrupándoas preferentemente por bisbarras.

Para facilitar a participación de todas as persoas interesadas, esta secretaría realiza unha oferta de cursos de programación directa (anexo III) e fomentase a colaboración de colectivos e/ou entidades que, pola súa proximidade á cidadanía, coñecen de forma directa a demanda e necesidades de formación de lingua galega no seu ámbito e que estean interesados en organizar algún curso.

Segundo.-*Destinatarios.*

A convocatoria está dirixida aos seguintes destinatarios:

- a) Particulares que desexen participar nalgún dos cursos que figuran no anexo III desta convocatoria.
- b) Colectivos, entidades e/ou asociacións que desexen organizar cursos de lingua galega e que contén cun mínimo de 20 persoas preinscritas para participar nos cursos (nome, apelidos e número de DNI/pasaporte).

Terceiro.-*Praza para impartir os cursos.*

Os cursos que se organicen e impartan ao abeiro desta convocatoria deberán estar finalizados antes do 16 de xuño de 2011.

Cuarto.-*Contido e desenvolvemento dos cursos.*

Os cursos axustaranse aos obxectivos, ao programa e ao contido curricular establecidos para cada un dos niveis na Orde do 16 de xullo de 2007, da Consellería de Presidencia, Administracións Públicas e

Xustiza, pola que se regulan os certificados oficiais acreditativos dos niveis de coñecemento da lingua galega (Celga), publicada no DOG número 146, do 30 de xullo.

Para conseguir o axeitado rendemento e aproveitamento do curso hai que procurar a homoxeneidade de coñecementos do alumnado, polo que, tanto os particulares como as entidades, á hora de formularen a solicitude dun curso dun determinado nivel Celga, deberán ter en conta a definición de contidos previstos na norma anterior. En todo caso, o profesor, no momento de iniciar o curso, valorará os coñecementos previos do alumnado e, se for conveniente, indicarlle o nivel máis aconsellable para os seus coñecementos.

A Secretaría Xeral de Política Lingüística non expedirá ningún tipo de certificación ou diploma de asistencia aos cursos preparatorios para as probas Celga. Realizarase control de asistencia para seguimento e control da calidade do curso.

Para obter a acreditación do nivel de coñecemento e dominio da lingua galega, as persoas interesadas terán que realizar as probas correspondentes, que se efectuarán en xuño de 2011, logo de convocatoria publicada no *Diario Oficial de Galicia*. A inscrición nas probas é independente da dos cursos. O prazo para a inscrición nas probas rematará o día 29 de abril de 2011.

O número máximo de asistentes a cada curso será de 30. Se quedasen prazas vacantes, poderán admitirse candidatos ata 3 días antes do inicio do curso. Os colectivos, entidades ou asociacións organizadoras deberán aceptar completar as prazas con persoas interesadas, aínda que non sexan afiliadas ou asociadas das propias entidades.

Se durante os dous primeiros días do curso se desen de baixa ou non asistisen as persoas inscritas nel, deberán ofrecérselles as prazas aos solicitantes que non fosen admitidos no primeiro chamamento.

Dado o carácter gratuíto dos cursos e para garantir un uso eficiente dos recursos públicos, se no transcurso do curso diminuíse de forma significativa o número de asistentes, a Secretaría Xeral de Política Lingüística poderá acordar a súa cancelación, ofrecéndolles aos interesados a posibilidade de integrarse noutro curso, de ser posible, na mesma localidade.

Os cursos terán unha duración de 75 horas lectivas, distribuídas en sesións de dúas horas ou de dúas horas e media cada día. No caso dos cursos intensivos ou en casos excepcionais, debidamente xustificadas, poderá autorizarse a realización de sesións con horario diferente.

Todas as actividades que se leven a cabo nestes cursos se realizarán, segundo o previsto na disposición adicional da Lei 3/1983, de normalización lingüística, conforme as normas ortográficas e morfoló-

xicas aprobadas pola Real Academia Galega na sesión plenaria do 12 de xullo de 2003, coidando o uso da toponimia oficial nos termos previstos no artigo 10º da citada lei.

Quinto.-Dotación orzamentaria.

O gasto ocasionado pola realización destes cursos financiarase con cargo á partida orzamentaria 09 03 151A 640 2 dos orzamentos xerais da Comunidade Autónoma de Galicia para o ano 2011, destinada a cursos e actividades de formación de lingua galega, ata unha contía de 450.000 euros. O custo medio por curso estímase en 3.178 euros.

Sexto.-Retribución para cada curso.

Os módulos de retribución dos cursos son os que se relacionan a continuación:

-Retribución profesor/a colaborador: 3.000 € (75 horas a 40 €/hora). Se se acordase a cancelación dun curso unha vez iniciado, o profesor será retribuído de acordo coas horas impartidas máis 100 euros en concepto de indemnización.

-Retribución coordinación, só en casos excepcionais, logo da autorización da Secretaría Xeral de Política Lingüística: 200 €.

-Retribución persoal subalterno ou auxiliar: 150 €.

-Material para o curso: ata 100 € (máximo). Aboaráselles directamente ao profesor, logo da presentación das facturas correspondentes, naqueles cursos en que non se dispoña de material para o alumnado, en formato papel ou na web.

Sétimo.-Designación de profesorado.

O profesorado destes cursos nomearao a Secretaría Xeral de Política Lingüística a través dos xefes dos gabinetes provinciais de normalización lingüística ou da Subdirección Xeral de Política Lingüística.

Oitavo.-Solicitudes para participar ou organizar cursos.

As persoas interesadas e os colectivos, entidades e/ou asociacións formularán as solicitudes de acordo cos modelos de solicitude que figuran como anexo I (para particulares-adultos) e anexo II (para entidades ou colectivos), respectivamente.

As solicitudes dirixiranse aos gabinetes provinciais de normalización lingüística da provincia que corresponda. Presentaranse preferentemente no rexistro xeral da Xunta de Galicia ou nas oficinas de rexistro propias ou concertadas da Administración da Comunidade Autónoma de Galicia, conforme o Decreto 164/2005, do 16 de xuño (DOG do 24 de xuño), segundo o disposto no artigo 38º.4 da Lei 30/1992, do 26 de novembro, de réxime xurídico das administracións públicas e do procedemento administrativo común (BOE nº 285, do 27 de novembro).

Os colectivos, entidades e/ou asociacións e persoas interesadas en xeral dispoñen dun formulario na web www.xunta.es/linguagalega que permite cubrir e editar a solicitude.

Noveno.-Prazo de presentación de solicitudes.

Establécese como data límite para a presentación de solicitudes o día 28 de febreiro de 2011, tanto para os particulares que dexexen participar nos cursos programados directamente pola Secretaría Xeral de Política Lingüística no anexo III como para os colectivos, entidades e asociacións que organicen cursos.

O día 1 de marzo sairá publicada na páxina www.xunta.es/linguagalega unha convocatoria específica de cursos en liña para preparar a proba do celga 1.

Para facilitar a elección dos cursos, as persoas interesadas son informadas de que as próximas probas para acreditación do nivel de lingua galega, Celga, se efectuarán os días 18, 19, 25 e 26 de xuño de 2011 para os niveis Celga 4, 2, 3 e 1, respectivamente.

Décimo.-Documentación que se deberá achegar coa solicitude.

No caso das solicitudes formuladas por colectivos, entidades e/ou asociacións para organizar o curso, deberá achegarse a lista de persoas preinscritis (apelidos, nome e número de DNI).

Décimo primeiro.-Procedemento de selección.

Logo de recibir as solicitudes nos gabinetes provinciais de normalización lingüística da Secretaría Xeral de Política Lingüística, procederá a revisar a documentación presentada. Se se apreciasen erros ou omisións, comunicaráselles ás entidades ou persoas solicitantes para a súa emenda, de acordo co previsto no artigo 71º da Lei 30/1992.

As solicitudes de particulares que cumpran os requisitos seleccionaranse segundo a orde de entrada. No caso das solicitudes formuladas por colectivos, entidades e/ou asociacións, valorarase o número de persoas preinscritis e procurarase realizar unha distribución xeográfica atendendo ás áreas comarcais.

Décimo segundo.-Programación dos cursos.

1. Curso de programación directa para particulares.

Co fin de facilitar a inscrición dos particulares, ofértanse de forma directa os cursos que figuran no anexo III. Cada gabinete de normalización lingüística dos diferentes departamentos territoriais poderá ampliar a súa oferta de cursos de programación directa sempre que queden sen cubrir cursos dos programados por petición dos colectivos e entidades da súa provincia.

Se ás persoas interesadas non lles conviñese ningún dos cursos anteriormente ofertados, poderán solicitar que se teña en conta a súa solicitude para incluíla nalgún dos cursos programados por petición das entidades na localidade solicitada ou na súa proximidade.

As listas de admitidos faranse públicas na páxina web www.xunta.es/linguagalega, sete días naturais antes do comezo de cada curso.

2. Cursos programados por solicitude dos colectivos e entidades.

Logo de ver as solicitudes de colectivos, entidades e/ou asociacións e a distribución xeográfica destas, os gabinetes provinciais de normalización lingüística efectuarán unha proposta de programación de cursos para cada unha das provincias e daránlle conta diso á Secretaría Xeral de Política Lingüística para a súa validación conxunta.

Cando, por causa da contía e dos límites orzamentarios, non se poidan atender todas as peticións, elaborárase unha lista de solicitudes pendentes e, en caso de que algunha das entidades ás cales se lles conceda un curso, renuncie a el, asignaráselle á seguinte da lista.

Na programación sinaláranse as datas de comezo, horario e lugar onde se impartirá cada curso. En todo caso, os cursos organizados por colectivos ou entidades non poderán empezar antes do 28 de marzo nin rematar despois do 15 de xuño.

Décimo terceiro.-*Resolución.*

Respecto aos cursos ofertados directamente a particulares, tal como figuran no anexo III, autorizarán a súa realización os xefes territoriais da Consellería de Educación e Ordenación Universitaria, a medida que se reciban 20 solicitudes/curso.

Respecto das solicitudes formuladas polos colectivos e/ou entidades, tal como se indica no parágrafo anterior, os gabinetes de normalización lingüística de cada provincia efectuarán unha proposta de programación, que valorará de forma conxunta a Secretaría Xeral de Política Lingüística. Unha vez aprobada a programación, correspóndelles a resolución de autorización ás respectivas xefaturas territoriais da Consellería de Educación e Ordenación Universitaria. Estas resolucións publicaranse na páxina web da Secretaría Xeral de Política Lingüística (www.xunta.es/linguagalega) o día 17 de marzo de 2011.

Décimo cuarto.-*Réxime de recursos.*

Contra a resolución de concesión dos cursos, as entidades e persoas interesadas poderán interpoñer recurso de alzada ante o órgano que ditou o acto ou ante o competente para resolvelo (superior xerárquico), no prazo dun mes, contado a partir da publicación da resolución, segundo o disposto nos artigos 114º e 115º da Lei 30/1992, de réxime xurídico das

administracións públicas e do procedemento administrativo común, modificada pola Lei 4/1999.

Décimo quinto.-*Prazo de resolución do procedemento e sentido do silencio.*

De non recaer resolución expresa sobre as solicitudes presentadas no prazo de tres meses, que se contará desde a data de peche do prazo de presentación de solicitudes previsto na convocatoria, as solicitudes entenderanse desestimadas.

Décimo sexto.-*Delegación de competencias e desconcentración de créditos.*

Para unha máis eficaz xestión e desenvolvemento desta convocatoria, esta secretaría xeral desconcentrará os créditos necesarios para sufragar os gastos da programación en cada unha das provincias e deléganse as facultades para resolver e para xestionar os gastos relativos aos cursos programados en cada provincia nas correspondentes xefaturas territoriais da Consellería de Educación e Ordenación Universitaria, nas cales teñen establecida a súa sede os gabinetes provinciais de normalización lingüística de cada provincia.

Décimo sétimo.

Esta convocatoria tramítase ao abeiro da Orde do 11 de febreiro de 1998 pola que se regula a tramitación anticipada de expedientes de gasto, modificada pola Orde do 27 de novembro de 2000 e pola Orde do 25 de outubro de 2001, con base nas previsións de dotacións orzamentarias que figuran no proxecto de orzamentos xerais da comunidade autónoma para o ano 2011, aprobado polo Consello da Xunta o día 19 de outubro de 2010. De acordo con isto, a convocatoria queda sometida á condición suspensiva de que exista crédito adecuado e suficiente para financiar as obrigas que dela derivan na Lei de orzamentos xerais da comunidade autónoma para o ano 2011.

Décimo oitavo.

Contra esta orde, que pon fin á vía administrativa, os interesados poderán interpoñer recurso potestativo de reposición ante o/a titular da Consellería de Educación e Ordenación Universitaria, no prazo dun mes, contado a partir do día seguinte ao da súa publicación no *Diario Oficial de Galicia*, segundo o disposto nos artigos 116º e 117º da Lei 4/1999, de modificación da Lei 30/1992, do 26 de novembro, de réxime xurídico das administracións públicas e do procedemento administrativo común, ou ben presentar directamente recurso contencioso-administrativo, ante o Tribunal Superior de Xustiza de Galicia, no prazo de dous meses, contados a partir do día seguinte ao da súa publicación, segundo dispoñen os artigos 10º e 46º da Lei 29/1998, do 13 de xullo, reguladora da xurisdición contencioso-administrativa.

Santiago de Compostela, 13 de xaneiro de 2011.

Jesús Vázquez Abad
Conselleiro de Educación
e Ordenación Universitaria


XUNTA DE GALICIA

 CONSELLERÍA DE EDUCACIÓN
 E ORDENACIÓN UNIVERSITARIA
 Secretaría Xeral de Política Lingüística

ANEXO I

PROCEDEMENTO CURSOS PREPARATORIOS PARA OS NIVEIS CELGA 1, 2, 3 E 4 DE LINGUA GALEGA PARA PARTICULARES (ADULTOS) E COLECTIVOS	CÓDIGO DO PROCEDEMENTO ED104B	DOCUMENTO SOLICITUDES INDIVIDUAIS
--	---	---

DATOS SOLICITANTE

PRIMEIRO APELIDO	SEGUNDO APELIDO	NOME	NIF
ENDEREZO			PROVINCIA
CONCELLO	LOCALIDADE	CÓDIGO POSTAL	TELÉFONO
FAX	ENDEREZO ELECTRÓNICO		

<input type="checkbox"/> CURSO PROGRAMADO CÓDIGO <input type="text"/>	<input type="checkbox"/> CELGA 1 <input type="checkbox"/> CELGA 2 <input type="checkbox"/> CELGA 3 <input type="checkbox"/> CELGA 4	
<input type="checkbox"/> CURSO NON PROGRAMADO	<input type="checkbox"/> CELGA 1 <input type="checkbox"/> CELGA 2 <input type="checkbox"/> CELGA 3 <input type="checkbox"/> CELGA 4	
LOCALIDADE ONDE O DEXEXA REALIZAR	QUENDA	HORARIO
DÍAS SEMANA	DATA DE COMEZO DEXEXABLE	

En cumprimento do disposto no artigo 5º da Lei orgánica 15/1999, de protección de datos de carácter persoal, infórmase de que os datos persoais recollidos nesta solicitude se incorporarán a un ficheiro que ten como única finalidade a xestión deste procedemento. Os dereitos de acceso, rectificación, cancelación e oposición previstos na lei poderá exercelos ante este organismo (o enderezo figura ao pé desta solicitude).

LEXISLACIÓN APLICABLE <i>Orde do 13 de xaneiro de 2011, da Secretaría Xeral de Política Lingüística, pola que se anuncian, con carácter voluntario e gratuíto, cursos de lingua galega preparatorios para as probas dos niveis Celga 1, Celga 2, Celga 3 e Celga 4, para particulares (adultos) e colectivos de Galicia, no ano 2011 (ED104B).</i>	(Para cubrir pola Administración)	NÚMERO DE EXPEDIENTE _____ DATA DE ENTRADA ____/____/____ DATA DE EFECTOS ____/____/____ DATA DE SAÍDA ____/____/____
SINATURA DO/A SOLICITANTE _____, de _____ de _____	RECIBIDO REVISADO E CONFORME	

 * Gabinete de Normalización Lingüística de

 * Xefatura Territorial da Consellería de Educación e Ordenación Universitaria de



XUNTA DE GALICIA
 CONSELLERÍA DE EDUCACIÓN
 E ORDENACIÓN UNIVERSITARIA
 Secretaría Xeral de Política Lingüística

ANEXO II

PROCEDEMENTO CURSOS PREPARATORIOS PARA OS NIVEIS CELGA 1, 2, 3 E 4 DE LINGUA GALEGA PARA PARTICULARES (ADULTOS) E COLECTIVOS	CÓDIGO DO PROCEDEMENTO ED104B	DOCUMENTO SOLICITUDES COLECTIVOS
--	---	--

DATOS SOLICITANTE

DENOMINACIÓN DA ENTIDADE, ASOCIACIÓN OU COLECTIVO			
<input type="text"/>			
REPRESENTANTE: PRIMEIRO APELIDO	REPRESENTANTE: SEGUNDO APELIDO	REPRESENTANTE: NOME	NIF
<input type="text"/>	<input type="text"/>	<input type="text"/>	<input type="text"/>
ENDEREZO	PROVINCIA	CONCELLO	
<input type="text"/>	<input type="text"/>	<input type="text"/>	
LOCALIDADE	CÓDIGO POSTAL	TELÉFONO	FAX
<input type="text"/>	<input type="text"/>	<input type="text"/>	<input type="text"/>
ENDEREZO ELECTRÓNICO			
<input type="text"/>			

CURSO NIVEL:	<input type="checkbox"/> CELGA 1	<input type="checkbox"/> CELGA 2	<input type="checkbox"/> CELGA 3	<input type="checkbox"/> CELGA 4
LOCALIDADE	LOCAL	HORARIO		
<input type="text"/>	<input type="text"/>	<input type="text"/>		
DIAS SEMANA			DATA DE COMEZO	
<input type="text"/>			<input type="text"/>	

DOCUMENTACIÓN QUE SE ACHEGA

<input type="checkbox"/> LISTA DE PERSOAS PREINSCRITAS PARA REALIZAR O CURSO
--

En cumprimento do disposto no artigo 5º da Lei orgánica 15/1999, de protección de datos de carácter persoal, infórmase de que os datos persoais recollidos nesta solicitude se incorporarán a un ficheiro que ten como única finalidade a xestión deste procedemento. Os dereitos de acceso, rectificación, cancelación e oposición previstos na lei poderá exercelos ante este organismo (o enderezo figura ao pé desta solicitude).

LEXISLACIÓN APLICABLE <i>Orde do 13 de xaneiro de 2011, da Secretaría Xeral de Política Lingüística, pola que se anuncia, con carácter voluntario e gratuíto, cursos de lingua galega preparatorios para as probas dos niveis Celga 1, Celga 2, Celga 3 e Celga 4, para particulares (adultos) e colectivos de Galicia, no ano 2011 (ED104B).</i>	(Para cubrir pola Administración) RECIBIDO <input type="text"/> REVISADO E CONFORME <input type="text"/>	NÚMERO DE EXPEDIENTE <input type="text"/> DATA DE ENTRADA ___/___/___ DATA DE EFECTOS ___/___/___ DATA DE SAÍDA ___/___/___
SINATURA DO/A SOLICITANTE _____, de _____ de _____		

* Gabinete de Normalización Lingüística de

* Xefatura Territorial da Consellería de Educación e Ordenación Universitaria de

ANEXO III

Programación directa de cursos para realizar nos meses de abril-xuño
(finaliza o prazo para presentar as solicitudes o día 28 de febreiro de 2011)

Provincia da Coruña

Localidade	Celga 1	Celga 2	Celga 3	Celga 4
A Coruña	Código: CL1201115030001 Lugar: Escola Oficial de Idiomas Rúa Pepín Rivero, s/n Data comezo: 6 de abril Horario: 12.00-14.00 Días: luns a xoves	Código: CL2201115030002 Lugar: Escola Oficial de Idiomas Rúa Pepín Rivero, s/n Data comezo: 6 de abril Horario: 12.00-14.00 Días: luns a xoves	Código: CL3201115030003 Lugar: Escola O. de Idiomas Rúa Pepín Rivero, s/n Data comezo: 6 de abril Horario: 12.00-14.00 Días: luns a xoves	Código: CL4201115030004 Lugar: Escola Oficial de Idiomas Rúa Pepín Rivero, s/n Data comezo: 6 de abril Horario: 12.00-14.00 Días: luns a xoves
A Coruña	Código: CL1201115030005 Lugar: Polígono de Elviña CEIP Ramón de la Sagra Data comezo: 6 de abril Horario: 18.30-20.30 Días: luns a xoves	Código: CL2201115030006 Lugar: Polígono de Elviña CEIP Ramón de la Sagra Data comezo: 6 de abril Horario: 18.30-20.30 Días: luns a xoves	Código: CL3201115030007 Lugar: Polígono de Elviña CEIP Ramón de la Sagra Data comezo: 6 de abril Horario: 18.30-20.30 Días: luns a xoves	Código: CL4201115030008 Lugar: Polígono de Elviña CEIP Ramón de la Sagra Data comezo: 6 de abril Horario: 18.30-20.30 Días: luns a xoves
Betanzos			Código: CL32011150300009 Lugar: Concello de Betanzos Información Xuvenil Data comezo: 6 de abril Horario: 20.00-22.30 Días: luns a xoves	
Culleredo				Código: CL4201115031010 Lugar: edif. Servizos Múltiples O Burgo Data comezo: 6 de abril Horario: 19.30-22.00 Días: luns a xoves
Ferrol	Código: CL1201115036011 Lugar: edificio UNED Rúa María Data comezo: 6 de abril Horario: 10.00-12.30 Días: luns a xoves	Código: CL2201115036012 Lugar: Edificio UNED Rúa María Data comezo: 6 de abril Horario: 10.00-12.30 Días: luns a xoves	Código: CL3201115036013 Lugar: IES Concepción Arenal Data comezo: 6 de abril Horario: 19.00-21.30 Días: luns a xoves	Código: CL4201115036014 Lugar: IES Concepción Arenal Data comezo: 6 de abril Horario: 19.00-21.30 Días: luns a xoves
Santiago de Compostela			Código: CL3201115078015 Lugar: C. Sociocultural Conxo Praza de A. Aguirre Data comezo: 6 de abril Horario: 10.00-12.30 Días: luns a xoves	Código: CL4201115078016 Lugar: Centro Sociocultural de Vite Rúa Carlos Maside, 7 Data comezo: 6 de abril Horario: 10.00-12.30 Días: luns a xoves
Santiago de Compostela	Código: CL1201115078017 Lugar: IES Xelmírez I Rúa de Poza de Bar Data comezo: 6 de abril Horario: 19.00-21.30 Días: luns a xoves	Código: CL2201115078018 Lugar: IES Xelmírez I Rúa de Poza de Bar Data comezo: 6 de abril Horario: 19.00-21.30 Días: luns a xoves	Código: CL3201115078019 Lugar: IES Xelmírez I Rúa de Poza de Bar Data comezo: 6 de abril Horario: 19.00-21.30 Días: luns a xoves	Código: CL4201115078020 Lugar: IES Xelmírez I Rúa de Poza de Bar Data comezo: 6 de abril Horario: 19.00-21.30 Días: luns a xoves

Provincia de Lugo

Localidade	Celga 1	Celga 2	Celga 3	Celga 4
Lugo		Código: CL2201027028001 Lugar: IES Politécnico de Lugo Data comezo: 11 de abril Horario: 20.00-22.00 Días: luns a venres	Código: CL3201027028001 Lugar: IES Politécnico de Lugo Data comezo: 11 de abril Horario: 20.00-22.00 Días: luns a venres	Código: CL4201027028001 Lugar: IES Politécnico de Lugo Data comezo: 11 de abril Horario: 20.00-22.00 Días: luns a venres Código: CL4201027028002 Lugar: IES Politécnico de Lugo Data comezo: 11 de abril Horario: 20.00-22.00 Días: luns a venres
Ribadeo				Código: CL4201027051001 Lugar: IES Porta da Auga Data comezo: 11 de abril Horario: 20.00-22.00 Días: luns a venres
Monforte de Lemos			Código: CL3201027031001 Lugar: IES Río Cabe Data comezo: 11 de abril Horario: 20.00-22.00 Días: luns a venres	
Vilalba			Código: CL3201027065001 Lugar: concello Data comezo: 11 de abril Horario: 20.00-22.00 Días: luns a venres	
Viveiro			Código: CL3201027066001 Lugar: IES Mª Sarmiento Data comezo: 11 de abril Horario: 19.30-22.00 Días: luns a xoves	
Sarria				Código: CL4201027057001 Lugar: IES Gregorio Fdez. Data comezo: 11 de abril Horario: 20.00-22.00 Días: luns a venres

Provincia de Ourense

Localidade	Celga 1	Celga 2	Celga 3	Celga 4
Ourense	Lugar: IES Otero Pedraio Data comezo: 4 de abril Horario: 18.00 a 20.00 Días: luns a xoves	Lugar: Conservatorio Profesional de Música de Ourense Data de comezo: 4 de abril Horario: 12.00 a 14.00 Días: luns a xoves	Lugar: IES Otero Pedraio Data comezo: 4 de abril Horario: 20.00 a 22.00 Días: luns a xoves	Lugar: IES Otero Pedraio Data comezo: 4 de abril Horario: 20.00 a 22.00 Días: luns a xoves
			Lugar: Aula da Deputación de Ourense Data comezo: 4 de abril Horario: 16.00 a 18.00 Días: luns a xoves	
O Barco de Valdeorras			Lugar: IES Lauro Olmo Data comezo: 4 de abril Horario: 20.00 a 22.00 Días: luns a xoves	
Verín		Lugar: Casa da Xuventude. Data comezo: 4 de abril Horario: 19.30 a 21.30 Días: luns a xoves		
Celanova		Lugar: Aula Multimedia Municipal Data comezo: 21 de setembro Horario: 12.00 a 14.00 Días: luns a xoves		
Ribadavia	Lugar: Aula da Mancomunidade do Ribeiro. Data comezo: 4 de abril Horario: 10.00 a 12.00 Días: luns a xoves			

Provincia de Pontevedra

Localidade	Celga 1	Celga 2	Celga 3	Celga 4
Pontevedra	Código: CL1201136000001 Lugar: Escola Oficial de Idiomas Data comezo: 4 de abril Horario: 10.00-12.30 Días: luns a xoves	Código: CL2201136000002 Lugar: Centro Galego de Tecnificación Deportiva Data comezo: 4 de abril Horario: 9.00-11.30 Días: luns a xoves	Código: CL3201136000003 Lugar: Centro Galego de Tecnificación Deportiva Data comezo: 4 de abril Horario: 10.00-12.30 Días: luns a xoves	Código: CL4201136000004 Lugar: Centro Galego de Tecnificación Deportiva Data comezo: 4 de abril Horario: 12.00-14.30 Días: luns a xoves
Pontevedra	Código: CL1201136000005 Lugar: IES Sánchez Cantón Data comezo: 4 de abril Horario: 18.45-21.15 Días: luns a xoves	Código: CL2201136000006 Lugar: IES Sánchez Cantón Data comezo: 4 de abril Horario: 18.45-21.15 Días: luns a xoves	Código: CL3201136000007 Lugar: edif. adtivo, da Xunta Data comezo: 4 de abril Horario: 16.00-18.30 Días: luns a xoves	Código: CL4201136000008 Lugar: edif. adtivo, da Xunta Data comezo: 4 de abril Horario: 19.00-21.30 Días: luns a xoves
Pontevedra			Código: CL3201136000009 Lugar: IES Sánchez Cantón Data comezo: 4 de abril Horario: 18.45-21.15 Días: luns a xoves	Código: CL4201136000010 Lugar: IES Sánchez Cantón Data comezo: 4 de abril Horario: 18.45-21.15 Días: luns a xoves
Vigo	Código: CL1201136200011 Lugar: Escola Oficial de Idiomas Data comezo: 4 de abril Horario: 10.00-12.30 Días: luns a xoves	Código: CL2201136200012 Lugar: Escola Oficial de Idiomas Data comezo: 4 de abril Horario: 10.00-12.30 Días: luns a xoves	Código: CL3201136200013 Lugar: Inst. P. Marítimo Pesqueiro do Atlántico Data comezo: 4 de abril Horario: 10.00-12.30 Días: luns a xoves	Código: CL4201136200014 Lugar: Inst. P. Marítimo Pesqueiro do Atlántico Data comezo: 4 de abril Horario: 10.00-12.30 Días: luns a xoves
Vigo	Código: CL1201136200015 Lugar: Inst. P. Marítimo Pesqueiro do Atlántico Data comezo: 4 de abril Horario: 16.00-18.30 Días: luns a xoves	Código: CL2201136200016 Lugar: IES Alexandre Bóveda Data comezo: 4 de abril Horario: 19.00-21.30 Días: luns a xoves	Código: CL3201136200017 Lugar: IES Rosais II Data comezo: 4 de abril Horario: 18.00-20.30 Días: luns a xoves (luns comeza: 18:45)	Código: CL4201136200018 Lugar: IES Alexandre Bóveda Data comezo: 4 de abril Horario: 19.00-21.30 Días: luns a xoves
Vigo			Código: CL3201136200019 Lugar: Inst. P. Marítimo Pesqueiro do Atlántico Data comezo: 4 de abril Horario: 19.00-21.30 Días: luns a xoves	Código: CL4201136200020 Lugar: IES Rosais II Data comezo: 4 de abril Horario: 18.00-20.30 Días: luns a xoves (luns comeza: 18.45)

Nota: as datas e horarios poden sufrir algunha variación debido á dispoñibilidade de locais.

CONSELLERÍA DO MEDIO RURAL

Resolución do 7 de xaneiro de 2011, da Dirección Xeral de Conservación da Natureza, pola que se crea o couto de pesca da Laracha.

Antecedentes.

De conformidade co disposto no artigo 68º do Regulamento de ordenación da pesca fluvial e dos ecosistemas acuáticos continentais (Decreto 130/1997, do 14

de maio), a Consellería do Medio Rural aprobou o Plan de xestión de recursos piscícolas do seguinte tramo do río Anllóns, situado no concello da Laracha:

Límite superior: Ponte Formigueiro.

Límite inferior: A Ponte do Porto ou Ponte Pereiro.

Lonxitude aproximada: 4,2 km.

De conformidade co disposto no artigo 15º do Regulamento de ordenación da pesca fluvial e dos ecosistemas acuáticos continentais (Decreto